



Në mbështetje të nenit 5, paragrafi 1, nënparagrafi 1.1, pika 1.1.1, nenit 12 paragrafi 1, nën paragrafi 1.5 dhe nenit 22, paragrafi 3, të Ligjit Nr.08/L-017 për Agjencinë për Parandalimin e Korrupsionit, nenit 21 paragrafi 2 të Ligjit nr. 06/L-011, për Parandalimin e Konfliktit të Interesit në Ushtrimin e Funksionit Publik, neni 11, paragrafi 4, i Rregullores Nr. 03/2023 për Procedurat për Hetimet Administrative në Agjencinë për Parandalimin e Korrupsionit, Drejtori i Agjencisë për Parandalimin e Korrupsionit, me datë 12.08.2025, nxjerrë këtë:

V E N D I M

- I. Mbyllet rasti me Nr. prot. DPKI-BËNRNN-0135, për zyrtarin Sami Boroci, Anëtar i Kuvendit Komunal të Prishtinës, për shkak se nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit, në ushtrimin e funksionit publik.
- II. Ky vendim është përfundimtar në procedurën administrative dhe i njëjti publikohet në uebfaqen zyrtare të Agjencisë për Parandalimin e Korrupsionit.

A r s y e t i m

I. Rasti i hapur nën dyshimin për konflikt interesi në ushtrimin e funksionit publik për zyrtarin Sami Boroci, Anëtar i Kuvendit Komunal të Prishtinës, është trajtuar sipas procedurës së paraparë me Ligjin Nr. 06/1-011, Për Parandalimin e Konfliktit të Interesit (në vijim: Ligji për Parandalimin e Konfliktit të Interesit).

Agjencia për Parandalimin e Korrupsionit ka filluar trajtimin e këtij rasti pas informatës së pranuar nga jashtë (në vijim: raportues i rastit), me pretendimin për konflikt të interesit pasi që, siç theksohet në kërkesë (citojmë): *“Në përputhje me Ligjin Nr. 06/L-011 për Parandalimin e Konfliktit të Interesit në Ushtrimin e Funksionit Publik, ju drejtohem me këtë kërkesë për të marrë një opinion zyrtar nga Agjencia lidhur me një situatë të caktuar që mund të përbëjë konflikt interesi. Bëhet fjalë për z. Sami Borocin, i cili aktualisht ushtron funksionin e Anëtar i Kuvendit Komunal të Prishtinës dhe paralelisht mban pozitën e Drejtorit Sportiv të Klubit të Futbollit KF Malisheva”*.

Agjenci për Parandalimin e Korrupsionit konform mandatit dhe kompetencave ligjore që i ka sipas Ligjit Nr.08/-017 për Agjencinë për Parandalimin e Korrupsionit, ka zhvilluar hetim administrativ duke trajtuar dhe shqyrtuar pretendimet për konflikt të interesit, duke u bazuar në dispozitat e Ligjit për Parandalimin e Konfliktit të Interesit.

Në përputhje me dispozitat e Ligjit për Parandalimin e Konfliktit të Interesit dhe procedurën për hetim administrativ, zyrtari Sami Boroci është njoftuar me shkresën zyrtare nr. prot. DPKI-946/25, lidhur me fillimin e procedurës për shqyrtimin e gjendjes së mundshme të konfliktit të interesit në ushtrimin e funksionit publik.

Më pas, Agjencia për Parandalimin e Korrupsionit ka kontaktuar Sami Borocin, me qëllim të sqarimit të kësaj situate, me ç' rast i njëjti ka deklaruar se për një rast të ngjashëm në vitin 2023, ka bërë pyetje në Agjenci lidhur me situatën e mundshme të konfliktit të interesit në ushtrim të funksionit publik. Ku nga Agjencia për Parandalimin e Korrupsionit ka pranuar një përgjigje me sqarimet e duhura, se Ligji për Parandalimin e Konfliktit të Interesit, nuk ka përcaktuar ndonjë dispozitë kufizuese lidhur me angazhimin e tij në këtë veprimtari.

Pas analizimit dhe shqyrtimit të pretendimeve të ngritura nga raportuesi i rastit, dokumentacionin në dispozicion, si dhe duke u bazuar në dispozitat e Ligjit për Parandalimin e Konfliktit të Interesit në Ushtrim të Funksionit Publik, Agjencia për Parandalimin e Korrupsionit, konstatoi se nuk ka prova të mjaftueshme që e argumentojnë dyshimin e arsyeshëm për ekzistimin e situatës së konfliktit të interesit respektivisht papajtueshmëri në ushtrim të funksionit publik, për faktin se pozita Anëtar i Kuvendit të Komunës së Prishtinës, të cilën e ushtron zyrtari Sami Boroci, nuk hynë në kategorinë e zyrtarëve të lartë publik në kuptim të nenit 3 paragrafi 1, nënparagrafi 1.3 i LPKI-së, me të cilin përcaktohet se: *"Zyrtar i lartë - nënkupton zyrtarët e lartë publikë të përcaktuar sipas Ligjit përkatës për deklarimin, kontrollin dhe prejardhjen e pasurisë"*.


Andaj, sa i përket pretendimit të raportuesit të rastit, se a përben konflikt interesi nëse zyrtari Sami Boroci aktualisht ushtron funksionin e Anëtarit në Kuvendin Komunal të Prishtinës, si dhe pozitën e "Drejtorit Sportiv në Klubin e Futbollit KF "Malisheva", Agjencia për Parandalimin e Korrupsionit, bazuar në informacionin dhe dokumentacionin në dispozicion, konstaton se ushtrimi i njëkohshëm i këtyre dy funksioneve nuk është në kundërshtim me nenin 13 dhe nenin 14 të Ligjit për Parandalimin e Konfliktit të Interesit. Kjo për arsye se kufizimet e përcaktuara në dispozitat nenit 13 dhe nenit 14 të Ligjit për Parandalimin e Konfliktit të Interesit, zbatohen vetëm për kategorinë e zyrtarëve të lartë publik, ndërsa zyrtari Sami Boroci nuk hynë në kategorinë e zyrtarëve të lartë publik.

II. Agjencia vendosi si në pikën III. të dispozitivit të këtij vendimi, duke u bazuar në nenin 22 [Procedura administrative e Agjencisë për rastet e konfliktit të interesit], paragrafi 12 të Ligjit për Parandalimin e Konfliktit të Interesit, me të cilin është përcaktuar se: *"Të gjitha vendimet që i nxjerr Agjencia lidhur me konfliktin e interesit në ushtrimin e funksionit publik dhe shkeljen e dispozitave të këtij ligji, përfshirë veprimet e ndaluara ose të kufizuara në ushtrimin e funksionit publik, ushtrimin e veprimtarive të tjera, papajtueshmëritë në ushtrimin e funksionit publik, duhet të respektohen nga zyrtarët dhe institucionet përgjegjëse. Ato bëhen publike në faqen zyrtare të internetit të Agjencisë"*, si dhe paragrafin 15 të këtij neni, me të cilin është përcaktuar se: *"Vendimet e Agjencisë në lidhje me konfliktin e interesit janë përfundimtare në procedurë administrative."*

Nga sa u tha më lartë, u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

Yll Buleshkaj

Drejtore i Agjencisë për
Parandalimin e Korrupsionit